

Modalen kommune  
Postboks 44  
5729 MODALEN

**Vår dato:** 10.02.2023

**Vår ref.:** 201905997-16 Oppgi ved kontakt

**Dykkar ref.:**

Randi Holme 99 21 51 22/  
rho@nve.no

## **Avgrensa høyring detaljplan for miljø og landskap - rehabilitering av Svartevatn dammar - Matre - Haugsdal kraftverk - Modalen og Masfjorden kommunar**

I brev datert 20.01.2023 mottok Noregs vassdrags- og energidirektorat (NVE) detaljplan for miljø og landskap frå Eviny Fornybar AS for rehabilitering av Svartevatn dammar ved Matre- Haugsdal kraftverk i Modalen og Masfjorden kommunar. Vi sender detaljplanen på høyring, og vi ber om at merknader til planen vert sendt til NVE seinast innan 13.03.2023.

### **Konsesjonen ligg fast**

Løyve til å regulere Matre- og Haugsdalsvassdraget er gitt i kgl.res datert 11.12. 1964. Konsesjonen ligg til grunn for denne høyringa og sjølve konsesjonsspørsmålet er ikkje gjenstand for ny høyring.

### **Korleis følgjer NVE opp detaljplanen for miljø og landskap?**

Detaljplanen for miljø og landskap som er lagt fram skildrar korleis det er planlagt å gjennomføre arbeida. Arbeidet er underlagt offentleg tilsyn. Det er NVE som utøver tilsynet og jf. post 15 i konsesjonen skal vi godkjenne detaljerte planar for miljø og landskap før arbeida tek til. Vi kontrollerer at arbeida skjer i samsvar med konsesjonsvilkår, godkjende planar, og at anleggsområda vert rydda forsvarleg opp og sett i stand.

### **Kva ønskjer vi tilbakemelding på frå høyringspartane?**

Svartevatn dammar stettar ikkje krava i forskrift om damtryggleik. Difor må det gjennomførast tiltak, og desse er pålagde av NVE. Vi sender plan for miljø og landskap på avgrensa høyring for å fange opp eventuelle endringar i kunnskapsgrunnlaget.

Vi ønskjer følgjande tilbakemelding frå høyringspartane på vedlagd plan for miljø og landskap:

*Modalen /Masfjorden kommune:* Eventuelt nye opplysningar om areala som er planlagt tekne i bruk, og kva planstatus området har i kommuneplanen sin arealdel. Vi ber og om andre opplysningar innan forvaltningsområdet dykkar som e relevante for prosjektet.



*Statsforvaltaren i Vestland:* Kunnskap om eventuelt trua og sårbare artar i tiltaksområdet. Vi ber og om andre opplysningar innan forvaltningsområdet dykkar som er relevante for prosjektet.

*Vestland fylkeskommune:* Opplysningar om kulturminne i planområdet. Vi ber og om innspel om forhold knytt til friluftsliv, orientering om eventuelle forvaltningsplanar og andre regionale planar i tiltaksområdet og andre opplysningar innan forvaltningsområdet dykkar som er relevante for prosjektet.

*Miljødirektoratet:* Kunnskap om eventuelt trua og sårbare artar i området arbeida skal gjennomførast. Vi ber og om andre opplysningar innanfor forvaltningsområdet dykkar som er relevante for gjennomføring av prosjektet.

*Nordhordland turlag/Bergen og Hordaland turlag:* Eventuelle merknader til tiltaka som er skildra for å ta omsyn til friluftsliv i byggjeperioden.

Konsesjonæren har ansvar for å avklare privatrettslege forhold med dei som har rettar i området og å innhente nødvendige løyve etter anna lovverk før arbeida tek til.

### **Forholdet til plan- og bygningslova**

Vassdragsanlegg med konsesjon etter vassdragslovgjevinga er med heimel i forskrift om byggesak § 4.3 unnatekne frå byggesakshandsaming etter plan- og bygningslova. Detaljplanen for miljø og landskap skal vere avklart i forhold til kommuneplanen sin arealdel eller gjeldande reguleringsplanar. Vi gjer merksam på at vilkåret for å gi dispensasjon alltid vil vere til stades for tiltak som har konsesjon etter vassressurslova, vassdragsreguleringslova eller energilova, jf. Lovkommentar til plandelen av plan- og bygningslova, revidert utgåve 2022.

### **Frist for å høyring**

Detaljplanen for miljø og landskap finn de her: [www.nve.no/220/V](http://www.nve.no/220/V)

Vi ber om at merknader til detaljplanen for miljø og landskap vert sendt til NVE, [uttalelse@nve.no](mailto:uttalelse@nve.no) innan **13.03.2023**. Merk uttalen med «Uttale» og saksnummer 201905997 i emnefeltet.

Som del av NVE si handsaming vert uttalar eller deler av uttalar referert i utgåande brev. Dersom han er lang er det ein fordel av det vert utarbeidd eit samandrag som kan brukast til dette. Av same grunn ønskjer vi å få teksten elektronisk. Uttalar er offentlege dokument, og sentrale saksdokument vert lagt ut på NVE sine nettsider.



Med helsing

Mari Hegg Gundersen  
seksjonssjef

Randi Holme  
senioringeniør

*Dokumentet sendes utan underskrift. Det er godkjent etter interne rutinar*

**Mottakarliste:**

Modalen kommune  
MASFJORDEN KOMMUNE  
Bergen og Hordaland Turlag  
NORDHORDLAND TURLAG  
STATSFORVALTAREN I VESTLAND  
VESTLAND FYLKESKOMMUNE

**Kopimottakarliste:**

EVINY FORNYBAR AS  
EVINY FORNYBAR AS - Sissel Hauge Mykletun  
EVINY FORNYBAR AS - Håvard Fosse